

Jelajah muslim di Singapura

Aktiviti bersama-sama kanak-kanak
TASKA Al Hafeez.



Singapura: Mengenali budaya masyarakat Islam di Singapura antara pengisian program Universiti Sains Islam Malaysia (USIM) - Singapura Penjelajahan Intelektual Mahasiswa (USPIM), di sini, baru-baru ini.

Pengarah program, Dr Mohd Rosmizi Abd Rahman, berkata menerusi program selama tiga hari disertai 12 pelajar itu, mereka juga berpeluang menjelajah ke beberapa institusi pengajian tinggi dan pusat penyebaran Islam di negara berkenaan.

Katanya, aktiviti lain termasuk Kempen 'Cover Up! Dress To Please Allah' yang diadakan di Danga Bay dan Merlion Park pada hari pertama sesampai mereka ke sana.

"Turut diadakan ialah diskusi ilmiah menyentuh perkaitan isu akidah semasa dan hal-ehwal Islam Singapura di Kolej

Islam Muhammadiyah (KIM) dan Jamiyah Singapura.

"Selain itu, kami mengadakan lawatan ke Makam Habib Noh yang terletak di Masjid Haji Muhammad Salleh, Tanjung Pagar bagi mengkaji kepercayaan dan tradisi masyarakat Islam di sana mengenai isu akidah, karamah dan kewalian.

"Tidak ketinggalan lawatan ke rumah kediaman keluarga Muslim minoriti bagi memberi pendedahan kepada peserta realiti sebenar keadaan hidup masyarakat Islam Singapura yang masih berpegang dengan ajaran Ahli Sunah Wal Jamaah walaupun tinggal di bawah pemerintahan sekular," katanya.

Akidah songsang

Biarpun hidup dalam lingkungan masyarakat bukan Islam, katanya, mereka tidak terpengaruh dengan



Kakitangan Masjid al Ansar menerima sumbangan daripada peserta USPIM.

akidah songsang, malah mampu menjaga anak-anak dan diasuh dengan penghayatan cara hidup Islam semenjak kecil.

Beliau berkata, lawatan ini memberi pengajaran betapa pentingnya menjaga kesahihan akidah dan membuktikan keberkesanan menuntut ilmu di sekolah agama daripada kecil.

Pada hari terakhir, peserta menyertai program 'Tree Hot Meals' bersama-sama kakitangan dan komuniti Masjid Al-Ansar di Jalan Bedok North, bertujuan mengagih makanan percuma kepada fakir miskin yang beragama Islam atau bukan Islam.

Katanya, peserta mengambil peluang untuk beramah mesra dengan masyarakat di sana untuk bertukar cerita dan seterusnya memberi sumbangan berupa makanan kepada mereka.

Program ini memberi seribu kenangan kepada peserta apabila berpeluang melihat sendiri bagaimana pusat pengajian Islam dan pusat asuhan kanak-kanak muslim Singapura menyebarkan agama Islam kepada semua peringkat umur, selain mempelajari pengurusan masjid yang lebih comprehensif.

Bergambar di
depan **Masjid
Haji Muhammad
Salleh, Singapura.**

